

## Berichte unserer Mitglieder

### Geschichte der FH Burgdorf

Mer, die Überlebende mit de Johrgäng vor 1935 Mer sind gebore worde, was no keis Fernseh gäh hät, was no keis Penizillin, kei Polioimpfig, Gfrürprodukt, Xerox, Plastik, Kontaktlinse oder Video gäh hät. Mer händ weder Snowbord no d&#39;Pille kânt. Mer sind gebore worde, bevors Radar, Kreditkarte, Atomspaltig, Laserstrahle oder Chugelschriiber gäh hät, bevor d&#39;Abwäschmaschine, Tumbler, Heizdeckine, Aircondition, pflegelichti Chleider gmacht worde sind und bevor de Mönsch ufem Mond glandet isch. Mer händ zerscht ghürotet und händ nochhär zäme gläbt. Mer wäred de Meinig gsi, Fastfood tüeg me i de Fasnachtszyt ässe und en Big Mac sigi en übergrosse Schottländer. Eus häts gäh, bevor me de Huusma kânt hät und wenn öber vo Emanze gredt hätti, so hätti me ane Art Huuswanze dânt. Eus häts ghä, bevor Tagesheim, Gruppesex, Wohngmeinschafte und Wägwürfwindle do gsi sind. Mer händ no nüt ghört vo elektriske Schriibmaschine, Computer, künstleche Härz und Niere, oder vo Manne mit Halschetteli oder Ohreringli. Mer händ under &#34;Hardware&#34; Schrupe und Nägel verstande und under &#34;Software&#34; Chüssi fürs Bett oder Kanapee. ABS, Airbag, Turbo, Nylonstrümpf, Tranquilizer, Digitaluhre sind unbekannte Begriff gsi. Made in Japan hät vor 1930 Ramschwar bedütet. Vo Mac Donalds, Pizzerias und Instant-Kaffi häd mer no nüt ghört gha. Zu eusere Zyt isch s&#39;Zygarete rauche en Art Mode gsi. Anstatt &#34;Hoi&#34; hämmer Tschau, Moin, oder Salü gseit. Gras isch für d&#39;Chüeh und en &#34;Joint&#34; ische Rohrverbindig gsi. &#34;Koks&#34; hädmer im Heizigschäller gha. Und uder &#34;Aids&#34; hätt mer entwäder ane Schönheitscreme oder Hülf a Bedürftigi dânt. Mer si gebore wqorde, bevors Tascherächner, Jumbo-Jets, Breitwand-Film, Surfbrätter, Garte-Schredder, Chuchi-Mixer und Jasscharte-Mischmaschine ghä hät. Mälchmaschine, Personal-Computer, Grossruumbüro häd mer nid kânt. &#34;E-Mail&#34; isch en Belag vo de Badwane gsi und &#34;Faxen&#34; isch es Grimasse-Schniide gsi. I de Freizyt händ mer gjasst, gsunge, sind go wandere, händ de Garte umegstoche oder händ Spili gmacht. No nimer hät müesse go River-Rafting mache, Delta-Flüge, tauche im Rote Meer, Jogge, Trecking im Himalaja oder Free-Climbing. Mer sind is Lädeli go poschte? hüt gömer in Supermarkt go shoppe. Es hät viel Stärchi bruucht, eus a alli die Veränderige a zpasse, wo über d&#39;Wält inebroche sind. Keis Wunder, wänn mer mängisch a chli konfus sind und wänn me vo Generatione-Problem redt. Aber weiss Gott, mer händs überläbt!